

Festival ‘Un Canto pa Aruba su Himno y Bandera’

dedica na sr. Hemmy Croes

STA. CRUZ-- E di diez festival “Un Canto pa Aruba su Himno y Bandera” lo tuma lugar dia 11 di Maart proximo y lo ser dedica na e musico sr. Hemmy Croes. Tambe comision lo duna reconocimiento na e hoben Jonathan Thiel y na e agrupacion “OLA TROPICAL”.

Manera ta conoci aña tras di aña e festival ta birando mas grandi ya cu aña pasa tabata tin 72 composicion.

Mirando cu e aña aki Aruba ta celebra su 30 aña di Himno y Bandera, su 20 diez aña di Status Aparte, y 10 aña di Festival, por spera cu e festival lo por yega na 90 cancion dedica na Pais Aruba. E aña aki Comision “Un Canto pa Aruba su Himno y Bandera” ta organiza e festival pa tanto Adulto y Hubenil.

Un gran cantidad di compositor a duna di comprende cu nan tin varios composicion cla caba pa e festival. Comision di e festival ta invita compositornan y cantantenan pa e prome reunion di e festival pa asina por suministra informacion di e festival.

Esaki lo tuma lugar diahuebs 3 di Maart pa 8’or anochi na Urataka Center.

E mesun anochi aki lo habri y cera inscripcion pa participantenan.

Pa mas informacion por acudi na e Comision Organizador, Harry Croes, telefoon:568-1659 of 585-9228